



REPUBLIKA E SHQIPËRISË
GJYKATA E APELIT TIRANË

Tiranë më 28.04.2022

INFORMACION

Duke marrë parasysh interesimin e shtuar të mediave, shtypit të shkruar dhe atij on line, si edhe në përgjithësi opinionit publik, informojmë sa vijon:

Në Gjykatën e Rrethit Gjyqësor Tiranë u shqyrtua çështja penale me Nr. 2 Akti, datë 23.03.2016 regjistrimi, me palë :

I PANDEHUR: **Francesco Becchetti,**

AKUZUAR “Për veprat penale të “Falsifikimit të dokumenteve”-kryer në bashkëpunim-, “Vjedhje duke shpërdoruar detyrën” -kryer në bashkëpunim-, “Krijimi i skemave mashtruese lidhur me TVSH” dhe “Pastrim i produkteve të veprës penale”.

I PANDEHUR: **Mauro De Renzis**

AKUZUAR: Për veprat penale të “Falsifikimit të dokumenteve” -kryer në bashkëpunim-, “Vjedhje duke shpërdoruar detyrën” -kryer në bashkëpunim-, “Krijim të skemave mashtruese lidhur me TVSH”, “Mospagim të taksave dhe tatimeve”, “Kontrabandë me mallra të tjera” dhe “Pastrim të produkteve të veprës penale”.

E PANDEHUR: **Liljana Condomiti**

AKUZUAR: Për veprën penale të “Pastrimit të produkteve të veprës penale”.

E PANDEHUR: **Erjona Troplini**

AKUZUAR: Për veprën penale të “Pastrimit të produkteve të veprës penale”.

I PANDEHUR: **Stavri Peci**

AKUZUAR: Për veprën penale të “Fallsifikimit të dokumenteve”

I PANDEHUR: **Fetah Dervishi**

AKUZUAR: Për veprën penale të “Fallsifikimit të dokumenteve”

Personat juridik:

Shoqëria “Energy” sh.p.k,

AKUZUAR: Për veprat penale të “Fallsifikimit të dokumentave”, “Vjedhje duke shpërdoruar detyrën”, “Krijim i skemave mashtruese lidhur me TVSH”, “Mospagim i taksave dhe tatimve”, “Kontrabandë me mallra të tjera” dhe “Pastrim të produkteve të veprës penale”.

Shoqëria “Kalivaç Green Energy” sh.p.k

AKUZUAR: Për veprën penale të “Fallsifikimit të dokumenteve zyrtare” dhe “Krijim i skemave mashtruese lidhur me TVSH”

Shoqëria “Cable System”sh.p.k.

AKUZUAR: Për veprën penale të “Pastrimit të produkteve të veprës penale”

Shoqeria “400 KV” sh.p.k

AKUZUAR: Për veprën penale të “Pastrimit të produkteve të veprës penale”.

Shoqëria “Agon Set”sh.p.k

AKUZUAR: Për veprën penale të “Pastrimit të produkteve të veprës penale”.

Kjo çështje është gjykuar nga trupi gjykues i përberë nga gjyqtarët: *Besnik Hoxha, Lazër Sallaku, Sokol Pasho*, për të cilën kjo gjykatë ka dhënë vendimin nr. 440, datë 23.02.2022 dhe ka vendosur:

1.Deklarimin fajtor të të pandehurit **Francesco Celestino Beccheti** për veprën penale të “Fallsifikimit të dokumentave” -kryer në bashkëpunim dhe më shumë se njëherë- parashikuar nga Neni 186/2-25 i Kodit Penal dhe dënimin e tij me 3 (tre) vjet burgim.

-Deklarimin fajtor të të pandehurit **Francesco Celestino Beccheti** për veprën penale të “Vjedhjes duke shpërdoruar detyrën” -kryer në bashkëpunim- parashikuar nga Neni 135-25 i Kodit Penal dhe dënimin e tij me 7 (shtate) vjet burgim.

-Deklarimin fajtor të të pandehurit **Francesco Celestino Beccheti**, për veprën penale të “Krijimit të skemave mashtruese lidhur me tatimin mbi vlerën e shtuar” parashikuar nga Neni 144/a i Kodit Penal dhe dënimin e tij me 8 (tete) vjet burgim.

-Deklarimin fajtor të të pandehurit **Francesco Celestino Beccheti** për veprën penale të “Pastrimit të produkteve të veprës penale ose veprimtarise kriminale” parashikuar nga Neni 287/2 i Kodit Penal dhe dënimin e tij me 12 (dymbëdhjete) vjet burgim.

-Në aplikim të Nenit 55 të Kodit Penal bashkimin e dënimeve në një dënim të vetëm, duke e dënuar përfundimisht të pandehurin **Francesco Celestino Beccheti** me **17 (shtatëmbëdhjetë) vjet burgim**.

-Vuajtja e dënimit fillon nga dita ekzekutimit të vendimit duke urdhëruar të kryhet në një Burg të Sigurisë Zakonshme.

2.Deklarimin fajtor të të pandehurit **Mauro Romolo De Renzis** për veprën penale të “Fallsifikimit të dokumentave” -kryer në bashkëpunim dhe më shumë se njëherë- parashikuar nga Neni 186/2-25 i Kodit Penal dhe dënimin e tij me 3 (tre) vjet burgim.

-Deklarimin fajtor të të pandehurit **Mauro Romolo De Renzis** për veprën penale të “Vjedhjes duke shpërdoruar detyrën” -kryer në bashkëpunim- parashikuar nga Neni 135-25 i Kodit Penal dhe dënimin e tij me 7 (shtatë) vjet burgim.

-Deklarimin fajtor të të pandehurit **Mauro Romolo De Renzis**, për veprën penale të “Krijimit të skemave mashtruese lidhur me tatimin mbi vlerën e shtuar”, parashikuar nga Neni 144/a i Kodit Penal dhe dënimin e tij me 7 (shtatë) vjet burgim.

-Deklarimin fajtor të të pandehurit **Mauro Romolo De Renzis**, për veprën penale të “Mos pagimit të taksave dhe tatimit”, parashikuar nga Neni 181 i Kodit Penal dhe dënimin e tij me 2 (dy) vjet burgim.

-Deklarimin fajtor të të pandehurit **Mauro Romolo De Renzis** për veprën penale të

“Kontrabanda me mallrat e tjerë”, parashikuar nga Neni 174 i Kodit Penal dhe dënimin e tij me 3 (tre) vjet burgim.

-Deklarimin fajtor të të pandehurit **Mauro Romolo De Renzis**, për veprën penale të “Pastrimit të produkteve të veprës penale ose veprimtarisë kriminale” parashikuar nga Neni 287/2 i Kodit Penal dhe dënimin e tij me 12 (dymbëdhjetë) vjet burgim.

-Në aplikim të Nenit 55 të Kodit Penal bashkimin e dënimeve në një dënim të vetëm, duke e dënuar përfundimisht të pandehurin **Mauro Romolo De Renzis** me **16 (gjashtëmbëdhjetë) vjet burgim**.

-Vuajtja e dënimit fillon nga dita ekzekutimit të vendimit duke urdhëruar të kryhet në një Burg të Sigurisë Zakonshme.

3.Deklarimin fajtor të të pandehurës **Liljana Antonio Condomiti**, për veprën penale të “Pastrimit të produkteve të veprës penale ose veprimtarisë kriminale”, parashikuar nga Neni 287/2 i Kodit Penal dhe dënimin e saj me 8 (tetë) vjet burgim.

4.Deklarimin fajtor të të pandehurës **Erjona Ismail Troplini**, për veprën penale të “Pastrimit të produkteve të veprës penale ose veprimtarisë kriminale”, parashikuar nga Neni 287/2 i Kodit Penal dhe dënimin e saj me 8 (tetë) vjet burgim.

5.Deklarimin fajtor të të pandehurit **Stavri Petro Peci**, për veprën penale të “Falsifikimit të dokumentave” -kryer në bashkëpunim dhe më shumë se një herë, parashikuar nga Neni 186/2-25 i Kodit Penal dhe dënimin e tij me 2 (dy) vjet burgim.

-Në bazë të Nenit 59 të Kodit Penal Gjykata urdhëron pezullimin e ekzekutimit të dënimit të mësipërm për një afat 2 (dy) vjet me kusht që i pandehuri **Stavri Petro Peci** të mos kryej veprë tjetër penale.

-Urdhërohet i pandehuri të mbajë kontakte me Shërbimin e Provës Tirane.

-Në zbatim të Nenit 59 të Kodit Penal (i ndryshuar me Ligjin Nr 36/2017, afati i provës fillon nga e nesërmja e shpalljes së këtij vendimi.

6.Deklarimin fajtor të të pandehurit **Fetah Dervish Dervishi**, për veprën penale të “Falsifikimit të dokumentave nga personi që ka për detyrë lëshimin e tyre” -kryer në bashkëpunim-, parashikuar nga Neni 186/3-25 i Kodit Penal dhe dënimin e tij me 3 (tre) vjet burgim.

-Në bazë të Nenit 59 të Kodit Penal Gjykata urdhëron pezullimin e ekzekutimit të dënimit të vendimit të mësipërm për një afat 3 (tre) vjet me kusht që i pandehuri **Fetah Dervish Dervishi** të mos kryej veprë tjetër penale.

-Urdhërohet i pandehuri të mbajë kontakte me Shërbimin e Provës Tirane.

-Në zbatim të Nenit 59 të Kodit Penal (i ndryshuar me Ligjin Nr 36/2017, afati i provës fillon nga e nesërmja e shpalljes së këtij vendimi.

7.Deklarimin fajtor të personit juridik **“Kalivaç Green Energy”sh.p.k** për veprën penale të “Fallsifikimit të dokumentave” -kryer në bashkëpunim-, parashikuar nga Neni 186/2 - 25 i Kodit Penal dhe në bazë të Ligjit 9754 dt.14.06.2007 “Për përgjegjësit penale të personave juridik” dënimin e tij me mbarimin e personit juridik.

-Deklarimin fajtor të personit juridik **“Kalivac Green Energy” sh.p.k** për veprën penale të “Krijimit të skemave mashtruese lidhur me tatimin mbi vlerën e shtuar”, parashikuar nga Neni 144/a i Kodit Penal dhe ne baze te Ligjit 9754 dt.14.06.2007 “Për përgjegjësit penale të personave juridik” dënimin e tij me mbarimin e personit juridik.

-Ne aplikim të Nenit 55 të Kodit Penal bashkimin e dënimeve në një dënim të vetëm, duke e dënuar përfundimisht me mbarimin e personit juridik.

8.Deklarimin fajtor të personit juridik **“Energy” sh.p.k**, për veprën penale të “Fallsifikimit të dokumentave” -kryer në bashkëpunim-, parashikuar nga Neni 186/2-25 i Kodit Penal dhe në bazë të Ligjit 9754 dt.14.06.2007 “Për përgjegjësit penale të personave juridik” dënimin e tij me mbarimin e personit juridik.

-Deklarimin fajtor të personit juridik **“Energy” sh.p.k**, për veprën penale të “Vjedhje duke shpërdoruar detyrën” -kryer në bashkëpunim-, parashikuar nga Neni 135-25 i Kodit Penal dhe në bazë të Ligjit 9754 dt.14.06.2007 Për përgjegjësit penale të personave juridik” dënimin e tij me mbarimin e personit juridik.

-Deklarimin fajtor të personit juridik **“Energy” sh.p.k**, për veprën penale të “Krijimit të skemave mashtruese lidhur me tatimin mbi vleren e shtuar” parashikuar nga Neni 144/a i Kodit Penal dhe në bazë të Ligjit 9754 dt.14.06.2007 “Për përgjegjësit penale të personave juridik” dënimin e tij me mbarimin e personit juridik

-Deklarimin fajtor të personit juridik **“Energy” sh.p.k**, për veprën penale të “Mospagim i taksave dhe tatimeve”, parashikuar nga Neni 181 i Kodit Penal dhe në bazë të Ligjit 9754 dt.14.06.2007 “Për përgjegjësit penale të personave juridik” dënimin e tij me mbarimin e personit juridik

-Deklarimin fajtor te personit juridik **“Energy” sh.p.k**, për veprën penale të “Kontrabandë me mallrat e tjere”, parashikuar nga Neni 174 i Kodit Penal dhe në bazë të Ligjit 9754 dt.14.06.2007 “Për përgjegjësit penale të personave juridik” Kodi Penal dënimin e tij me mbarimin e personit juridik.

-Deklarimin fajtor të personit juridik **“Energy” sh.p.k**, për veprën penale të “Pastrimit të produkteve të veprës penale ose veprimtarisë kriminale” -kryer në bashkëpunim-, parashikuar nga Neni 287/2 i Kodit Penal dhe në bazë të Ligjit 9754 dt.14.06.2007 “Për përgjegjësit penale të personave juridik” dënimin e tij me mbarimin e personit juridik.

-Ne aplikim te Nenit 55 të Kodit Penal bashkimin e dënimeve në një dënim të vetëm, duke e dënuar përfundimisht me mbarimin e personit juridik.

9-Deklarimin fajtor të personit juridik “Cable System” sh.p.k, për veprën penale të “Pastrimit të produkteve të veprës penale ose veprimtarisë kriminale” -kryer në bashkëpunim-, parashikuar nga Neni 287/2 i Kodit Penal dhe në bazë të Ligjit 9754 dt.14.06.2007 “Për përgjegjësit penale të personave juridik” dënimin e tij me mbarimin e personit juridik

10-Deklarimin fajtor të personit juridik “400 KV” sh.p.k, për veprën penale të “Pastrimit të produkteve të veprës penale ose veprimtarisë kriminale” -kryer në bashkëpunim-, parashikuar nga Neni 287/2 i Kodit Penal dhe në bazë të Ligjit 9754 dt.14.06.2007 “Për përgjegjësit penale të personave juridik” dënimin e tij me mbarimin e personit juridik

11.Deklarimin fajtor të personit juridik “Agon Set” sh.p.k, për veprën penale të “Pastrimit të produkteve të veprës penale ose veprimtarisë kriminale” -kryer në bashkëpunim-, parashikuar nga Neni 287/2 i Kodit Penal dhe në bazë të Ligjit 9754 dt.14.06.2007 “Për përgjegjësit penale të personave juridik” dënimin e tij me mbarimin e personit juridik.

-Në baze të Nenit 190 pika 1, germa “a” të Kodit Proçedurës Penale sendet e luajtshme (llogari bankare etj) dhe të paluajtshme që të pandehurit Liljana Condomiti, Mauro De Renzis dhe Erjona Troplini zotëronin në raport me kuotat e tyre në shoqëritë “Energy” sh.p.k, “Cable System” sh.p.k, “400 KV” sh.p.k, “Agon Set” sh.p.k si dhe të llogarisë bankare të shtetasit Shpëtim Arbana për të cilat është vendosur sekuestro Konservative me vendimet nr.768 Akti dt. 05.06.2015 dhe nr.834 Akti dt.17.06.2015 të Gjykatës së Shkallës së Parë Tiranë, pasqyruar në fashikullin nr.50 të gjykimit dhe të cilat ndodhen në administrim të Agjensisë së Administrimit të Pasurive të Sekuestruara dhe Konfiskuara, t’i kalojne shtetit.

-Në baze te Nenit 391 të Kodit Proçedurës Penale, dokumentat e rezultuara të fallsifikuara (situacionet e punimeve të fallsifikuara të shoqërisë “Energy” sh.p.k dhe faturat që i shoqërojnë), të asgjësohen.

-Shpenzimet proçeduriale dhe ato gjyqësore iu ngarkohen solidarisht të pandehurve.

-Kundër vendimit lejohet ankim në Gjykatën e Apelit Tiranë, brënda 15 (pesëmbëdhjetë) ditëve duke filluar ky afat nga e nesërmja e njoftimit të vendimit.

Kundër këtij vendimi kane paraqitur ankim të pandehurit: **Francesco Becchetti, Personi juridik “Energji” shpk, Personi juridik “Agonset” shpk, Liljana Condomiti, Personi juridik “400 KV” shpk,**

Shorti elektronik për caktimin e relatorit të çështjes do të hidhet në datën 29.04.2022, ora 14:30

Publiku do të informohet në vijim për të gjitha aspektet procedurale.